

APRILI 2017

24-hour Emergency 028 313 8000/8111  
Fire Brigade 028 312 2400

# Bulletin

**Incwadi ethunyelwa amalungu e-Bhunga le Overstrand esesikweni**

## IINDLELA ZASESANDBAAI:

**Zintoni ezingalindelwa kwezi nyanga zilithoba zizayo**

Amashishini nabahlali baseSandbaai kumele balindele ingxano yezithuthi kunye nempembelelo yokuvalwa kwezitalato ezithile kwiindawo zabo.

Umsebenzi sele uqalile kwaye ulwakhiwo lulindeleke lugqitywe ekupheleni kweyeDwarha. Umsebenzi uza kuqhuba ngokwezigaba (jonga ishedyuli engezantsi).

Iindlela ezichaphazelekayo iza kuba sitalato iBergsig phakathi kwesiTatalo iAloe nesiTatalo iArgon, iNdlela eNkulu iSchulphoek ephakathi kwe-R43 nesiTatalo iAdam, isiTatalo iAdam kunye nesango eliseCaleni kwe-R43.

NgokukaDennis Hendriks onguMphathi oyiNtloko kwiiNkonzo zobuNjineli, "isigaba esilandelayo nesisesokugqibela kulwakhiwo ngokutsha lweendlela zaseSandbaai ngo-2017 olunxulumene neziko lodederhu lweevenkile, sele luqalile. Kumele ukuba kuqatshelwe ukuba ishedyuli le yeyexeshana kuphela, nanjengoko iimeko zemozulu neminye imibandela ingachaphazela iintsuku ezimiselayo. Ke ngoko isisikhokelo nje".

Abahlali abamelene neendlela ezichaphazelekayo (isitalato iBergsig kunye nesiTatalo iOos-end) kuya kuqagamshelelana nabo kwaye baziswe ngokufanelekileyo kuqinisekiswa nakuphi na ukuvalwa okunxulumeneyo kunye namalungiselelo angamanye". UCEba kuWadi 7, uDavid Botha, wongeze ngelithi "iinguqu ziya kuxelwa ngoko nangoko kwabo bahlali nabasebenzisi bezitalato abachaphazelekayo".

UCEba uBotha uqhube waqinisekisa ukuba akukwazi ukuhamba usebenzisa iNdlela iMain yaseSandbaai ukuya kwiNdlela iSchulphoek ungakwazi ukwenza kangangenyanga ezilithoba, nanjengoko isitalato siya kwakhiwa ngezigaba kwaye ke ngoko singafikeleleka njengoko kuphawulwe.

Kuyimfuneko apho kukho isidingo ukuba ibe ngabahlali nabandwendweli kuphela kwakunye nabo banamashishini akhethekileyo kulo mmandla, ekumele basebenzise ezi ndlela kuthethwa ngazo. Abahambi ngeenyawo, ke ngoko, baya kulungiselelwa ngawo wonke amaxesha malunga nezi zitalato ezithe zavalwa kodwa bakuthazwa ukuba bahambe kwimizila emiselweyo kwaye bahlale bethobela amadoda aphelele iiflegi agunyazisiweyo naya kusebenza ngelo xesha limiselweyo.

Ngokufanayo, abakhweli-bhayisekile baya kufikelela kule mizila kuthethwa ngayo, kodwa kumele kuqike ukuba abahambi ngeenyawo baya kuba nelungelo lokusebenzisa kuqala ngalo lonke ixesha.

• **Ukuba unayo nayiphi na imibuzo enxulumene noku kungentla, nceda uzive ukhululekile ukuba ungaqagamshelelana nommeli womphuhlisi, uLeon Louw kwa-083 324 5928 okanye umPhathi weProjekthi zikaMasipala, uDennis Hendriks kwa-082 416 8676.**

**Ishedyuli yexeshana njengoko kuvunyelwene ngayo phakathi kukaMasipala nompuhlisi imi ngolu hlobo:**

ICANDELO LESITALATO	IMIHLA EMISELWEYO YOKUVALA	IMIHLA EMISELWEYO YOKUVULA
IsiTatalo iOos-end ukusuka kwisiTatalo iJimmy Smith ukuya kwisiTatalo iEnd Ungena ngesango elisuka kwisiTatalo iMyrtle	NgoLwesine 16 kweyoKwindla	NgoLwesibini 18 kuTshaziimpuzi
IsiTatalo iJimmy Smith ukusuka kwisiTatalo iSchneider ukuya kwisiTatalo iOos-end	NgoLwesine 16 kweyoKwindla	NgoLwesine 20 kuTshaziimpuzi
<b>AKUNGENWA - akukho zindlu kulo mmandla</b>		
IsiTatalo iBergsig ukusuka kwiNdlela iSchulphoek ukuya ngasentshona de iyokuba sitalato Argon Ungena ngesango elisuka kwiNdlela iSchulphoek nesiTatalo iAdam nesiTatalo iArgon ukuya kwisiTatalo iAloe	NoLwesithathu 1 kweyoKwindla	NgoLwesihlanu 30 kuTshaziimpuzi
IsiTatalo iBergsig ukusuka kwisiTatalo iAloe ukuya ngasentshona de ukufika kwisiTatalo iBergzicht ngakumasango eMonte Mare Ungena kwisango elikwisiTatalo iAloe ukusuka kwiNdlela iSchulphoek malunga nesiTatalo iAdam nesiTatalo iArgon nesiTatalo iBergsig	NgoLwesithathu 01 kweyoKwindla	NgoLwesihlanu 30 kuTshaziimpuzi

## Italente, uphuhliso lolutsha kunye nabagqwese kulwakhiwo loluntu kwimiBhiyozo yemiDlalo yaseOverstrand yango-2017



**Emfanekisweni bekunye ngeqela leqakamba eliphumeleleyo elivela eHawston (kude ekunxele ngasemva) nguAyanda Stali, umPhathi wemiDlalo nezolwabo (emile ukusuka ekunxele ukuya ekunene) umPhathi kaMasipala uCoenie Groenewald; Amalungu eKomiti kaSodolophu uCeba Rianna de Coning, uCeba uAndrew Komani kunye noCeba uArnie Africa, kunye noSekela-Sodolophu ngokwesiGqeba soLawulo uSibonda uDudley Coetzee ekwakunye noCeba uElnora Gillion (ekunxele ngaphambili).**

UmBhiyozo wemiDlalo yase-Overstrand uthe wangobalaseleyo kwikhalenda yemidlalo nabathandi bayo kulo mmandla, kwaye nakulo unyaka ayikhange idanise. Ngowe-11 kweyoKwindla 2017, ooceba bakamasipala yaseOverstrand, bekhathshwe nguSodolophu ngokwesiGqeba soLawulo uSibonda uRudolph Smith, amagosa, abathabathi-nxaxheba kunye nabaxhasi badibene kwiZakhiwo zemiDlalo ezikumabala aseGansbaai ukuza konwabela usuku lokhuphiswano lobuhlobo kwimidlalo yenethibholi, umbhoxo, isoka neqakamba esindlekwe nguMasipala yaseOverstrand.

Kwakhona, le tumente eyimbalasane neyandayo idontse ababukeli abazalise amabala nabathe bafumana ukonwabela inkqubo ezeleyo yemidlalo kunye

nomboniso wezakho wetalente yemidlalo yaseOverstrand.

Umbhiyozo uvulwe ngendlela edlamkayo neyolisayo ngokuthi ibhola yokuqala umdlalo wamaqela akhuphisanayo, ikhokelwe yiBlompark Minstrels, ebisonwabisa ngobalaseleyo ngaloo midaniso neengoma zabo zekhanivali ezonwabisaayo. UCEba yaseOverstrand uRiana de Conin uthe wavula le midlalo ngolwamkelo olushushu, olulandelwe intetho yokuvula kaSekela-Sodolophu uSibonda uDudley Coetzee uye wathi, "Imicimbi enje ngale inika uluntu lwethu amathuba okuvelisa kwaye aphuhlise italente yemidlalo. Imidlalo yeyona ndlela yokudibanisa abantu kwaye ikhuthaze ubumbano ngokwemidlalo."

Njengokuba ingxelo yakhe ibinika imbono kangangoko, kodwa kukuvuthela kwakhe iVuvuzela uCoetzee eqalisa le midlalo okuthetha waphakamisa izihlwele ngentswala yemiyizelo nemivuyo.

Imidlalo yokukhiqana kwinqanaba lokugqibela lokhuphiswano ithe yabonakalisa ukuba nesibindi, ukuzimisela nezakho ezimangalisayo ezithe zabonakaliswa gca ngamaqela onke athabathe inxaxheba.

Bekungekho zathusayo xa, kwiminyaka emihlanu ilandelelana, iqela elikhuthelweyo lase Hawston lithe kwakhona lavela njengeliPhumeleleyo njenge 'Kumkani zeQakamba' emva kokubetha iKlabhu yeQakamba yaseKleinmond obujongela ngothintu aba-7. Nangona kunjalo, iKleinmond ithe yabuyisa isidima ngomdlalo iphumelele ngomvulo wombongo nalapho ithe yabetha iAtlantics yaseMount Pleasant, eHermanus ngamanqaku angama-20 kwama-3.

IKleinmond ithe yaphosa kancinane ukufumana isicoco somdlalo obushushu kwihlelo lamaGqala eSoka. AmaGqala aseZwelihle eHermanus athe abonisa amaqhekeza engqele ngokuphumelela ngamanqaku ali-8 kwasi-7 kwiipenalti.

IKlabhu yeNethbholi yaseHermanus ithe yagcina iminqweno imikhulu ngokuthi iphumelele indebe yenethibholi ngempumelele ephuzulu nebonakalisa isakho yamanqaku angama-40 kwangama-24; itshabalalisa zonke iinzame ezintle zeMount Pleasant.

Nangona kunjalo, iYoung Tigers yaseStanford kumagqibela kankqoyi esoka ithe yabetha ngokungenalusini iPeace Makers yaseGansbaai ngokuphumelela ngamanqaku ama-3 kweli-1. Ngenxa yaloo miphumela, iSweepers yaseZwelihle ithe yamkela ukuba kwindawo yesithathu.

Xa le midlalo ibisiya ekupheleni nje ngaphambi komsitho wokukhutshwa kwamabhaso, iNtloko yePotfoliyo yeeNkonzo zoLuntu, uCeba Andrew Komani, uthe wenza izihlomlo ezisisiseko kwintetho yakhe yokuvala esithi, "Oku sikubona apha namhlanje bubungqina beenzame ezinkulu kunye nojolisa kweendawo zaseOverstrand kuphuhliso loluntu lwethu, ngakumbi ulutsha. Kungako oko ke kufanelekile ukuba sibhiyozo kwaye siwonge ezitalente zimangalisayo neembasa ezifanelekileyo."

Kuko konke, bekukhuthaza ngakumbi ukubona kunikwa iwonga abo bathe banempumelelo engumangaliso abafana nabadlali abanjengoErika Hansen weKlabhu yeNethbholi lase-Hermanus, uMarchello Joemat weKlabhu yoMbhozo yaseKleinmond, uPhillip Oliphant weKlabhu yeQakamba yaseHawston kunye nembalasan eminyaka ili-16 ubudala uBongani Mngeni weYoung Tigers yaseStanford abathe bafumana iindebe ngamnye kubo zokuba ngabaDlali boNyaka kwimidlalo yabo yenethibholi, umbhoxo, iqakamba nesoka.

## IOVERSTRAND ISINDLEKA UVAVANYO LWASEMVA KWEXESHA LEMIBHIYOZO LWESICWANGCISO ESISALINGWAYO SOKHUSELEKO SESITHILI IOVERBERG

"Kumele ndikuthaze abo bathe bathabatha inxaxheba kwisiCwangciso soKhuseleko sesiThili (i-DSP) esisalingwayo ebesiqaliswe eOverberg ngowo-1 kweyeDwarha 2016 kwaye saqhutywa de kwangowe-16 kweyoMqungu kulo nyaka. Iinzame zobambiswano lwenu kwesi sithuba sexesha zithezaqinisekisa ukwehla kakhulu kweengozzi ezidalala ukusweleka kwabantu kulo mmandla, ngakumbi izintlu eziphambili ekujoliswe kuzo zabahambi ngeenyawo kunye nabantwana."

Le nkcazelo yenziwe nguMnu Kenny Africa oliGosa eliyiNtloko eNtshona Kapa kwaye ebengumLawuli weNkqubo kuvavanyo lwaseMva kwexesha lemibhiyozo lesiCwangciso soKhuseleko sesiThili ebesindlekwe nguMasipala waseOverstrand kwizakhiwo zawo eHermanus ngoLwesihlanu, wama-27 kweyoMqungu 2017.

Ebebekho kulo msitho ibingabamelu babadlali-ndima abaphambili abaquka oomaspala baseOverberg, iCape Agulhas, Theewaterskloof, kunye neOverstrand; kwakunye neDibaniselana yamaPolisa oMzantsi Afrika.

IsiCwangciso soKhuseleko sesiThili (esifinyezwa njenge-DSP) siqulunqwe ukuba siquke nemibandela yentlalo noqoqosho, imithombo karhulumente kwakunye nemeko yendlela.

Iiarhente zonyanzeliso-mthetho ezichaphazelakayo eziquka amaPolisa oMzantsi Afrika, iNkonzo zeNdlela zePhondo, kunye neNkonzo zeNdlela zikaMasipala ezintathu ebezithe zahlanganiswa. Ngaphezulu koko, iinzame zokufundisa ezihambisana neentengiso zokwazisa ezibanzi zithezaqhutywa ukuqinisekisa ifuthe elikhulu lokwazisa uluntu kunye nokuguqula iingqiqo. Kwelo ke, uDanny Cat, olikhubalo lokhuseleko ezindleleni zephondo, utha waqgama kweli phulo libe yimpumelelo.

### Iziphumo zeKota yesi-3: 2016/17, njengoko zithelekiswa noko kujoliswe kuko, neKota yesi-3: 2016/17 zithe zaba zezi zilandelayo:

IsiCwangciso soKhuseleko sesiThili iKota yesi-3 (1 kweyeDwarha - 31 kweyoMnga 2016/17)	2015/16 Okwenze- kileyo	2016/17 Ekujoliswe kuko	2016/17 Okwenze- kileyo	2019/20 Ekujoliswe kuko
Abasweleke kwiingozi zendlela	21	14	11	10
Abahambi ngeenyawo	5	3	2	0
Abantwana 0 - 14	4	0	0	0

Ngaphandle kothotho lwempumelelo, uAfrica undulule ukuba umsebenzi omnini usadinga ukwenziwa khona ukuze kugciniswe imfeko ephubekayo ye-DSP kumkhomba-ndlela. "Sidinga ukuyanzelisa umyalezo wokuba ubhele lomsele kunye nendlela, azidibani. Iinzame zethu, ukuba zisebenza ngokuchanekileyo, ziya kukhokelela kutshintsho lwesimilo nokuziphatha kubasebenzisi bendlela kwaye oko kuya kukhokelela kwinqingqo yokucutha ubutyobo beengozzi zeemoto kwiindlela zethu," utshilo uAfrica.

## Okunye okungasetyenziswa emakhaya ngaphandle kweplastiki

Nanjengoko siya sicacelwa kukuba kubi kanjani ukuba neeplastiki ezininzi kumakhaya ethu, kumele siqale ukukhangela ezinye iindlela ezikhoyo ngoku.

Ukuba ubufunda amangoku ethu angokusingqongileyo kwiBulletin kulo nyaka uphelileyo, ungaba sele uqalisile ukucutha isixa seeplastiki ozisebenzisa kanye, umzekelo, izitro zeplastiki, iibhotile zeplastiki kunye neebhigi zokuthenga zeplastiki. Okanye ungaba sele ucinga ngenyathelo elilandelayo ongathabatha ukucutha ukusebenzisa iplastiki kwaye uyacinga ukuba ungaqala phi na?

Ukuba ungajonga izixhobo esizisebenzisa kumakhitshi ethu kule mihla, ngakumbi izixhobo zokuphela nezokugcina, yeyona ndawo ilungileyo ongaqala kuyo.

Abantu basoloko bengaqondi ukuba iplastiki ezininzi zikhuphela amachiza anobungozi ekutyeni okanye kwizisele ezidibana nazo, ngakumbi kwiindawo ezinamaqondo obushushu aphezulu njengalawo emakroweyivu, isihlambi-zitya okanye xa zishiywe kwimoto eshushu. Kula maqondo, ipesenti enkulu kakhulu iyakwazi ukudluliselwa ukusuka kwikhonteyina okanye ibhotile yeplastiki, kungako oko kumele ungaze uphinde wenze shushu ukutya okuthenge wahamba nako ngesikhongozeli sepalisterini kwimakroweyivu. La machiza aquka iBisphenol A (BPA) kunye nephthalates, neziziphazamisazi ezaziwayo kwiincindi zamadlala ezingabangela umonakalo kwimithambo, ngelixa ezinye zicingelwa ukuba zingabangela umhlaza. Ngelishwa abo basemngciphekweni kakhulu ngabo basoloko besebenzisa izinto ezenziwe neplastiki ezinjengekomityi, izikhongozeli nezityana; umzekelo abantwana abancinane kunye nabafazi abakhulelweyo.

Kungako oko kungumbono olungileyo ukuqalisa kancinane ukukhupha iplastiki kwikhitshi lakho. Ngezikhongozeli zokugcina ukutya ungasebenzisa iglasi, okwenziwe ngomdongwe okanye intsimbi. Sebenzisa iijagi ezindala zekofi okanye zebhotolo yamadongwane. Akukho sidingo sokuchitha imali eninzi. Ngoku sele kukho iindlela ezingezinye kunokusebenzisa iplastiki ezikhoyo ezinjengebhambhu, intsimbi okanye izixhobo zokupheka ezenziwe ngokhuni, iipani zokugcoda ezincanyathiselwe umdongwe endaweni yetefloni, kwakunye neemagi zentsimbi okanye zebhambhu ukulungisela abantwana endaweni yeplastiki.

Sebenzisa iitreyi zentsimbi okanye zesilikhoni, ibhambhu okanye iibhodi zokunqunqela zokhuni kunye nebhotele zeglasi endaweni yeplastiki. Songela isonka kwiphepha elingangeeni-manzi okanye nelaphu kwaye usebenzise isikhafina sesinyithi okanye seBento ukulungisela izidlo zasemini zabantwana. Izikhongezel-utya ohamba nako ezinziwe ngodiza leswelele endaweni yepalisterini kunye nezixhobo zokuphatha ukutya ohamba nako ezenziwe ngebhambhu yenye yeendlela ezikhoyo ngoku.

Akudingeki ukuba uyenze yonke le nto ngexesha elinye, kodwa ngexa yempilo yakho kunye nempilo yehlabathi lethu, ungawalasela ukuqalisa kancinane ukucutha ukusebenzisa iplastiki kwikhaya lakho.

## IOverstrand ikhokele kwiindlela zokuphelisa ukusetyenziswa kweebhigi zeplastiki



**UmPhathi weCandelo leNkukuma eQinileyo laseOverstrand, uJohan van Taak, kutsha nje utha wanikezele ngeebhigi ezisetyenziswa kaninzi kuSodolophu waseOverstrand: uRudolph Smith, uSekela-Sodolophu: uDudley Coetzee kunye nomPhathi kaMasipala uCoen Groenewald.**

kaninzi (ezenziwe ngemathiriyeli eyomeleleyo okwenza iparashuta) benika uSodolophu uRudolph Smith, amalungu eKomiti kaSodolophu angooxga bakhe kunye ne-EMT.

Kuko konke, uVan Taak utha, "Sinqwenela ukukhuthaza uluntu lwaseOverstrand ukuba luthenge iibhigi ezingasetyenziswa kaninzi endaweni yeebhigi zokuthenga zeplastiki eziqhelekileyo. Ngale ndlela, uluntu luya kusindisa kakhulu ekulondolozeni indalo esingqongileyo nakwiinzame zokulawula inkukuma."

"Kuyinkxalabo ngakumbi ukuba kwiilabathi lonke kuqikelelwa ukuba malunga neebhiliyoni ezi-4 zeebhigi zeplastiki zixelwa njengeziphelela enkunemini minyaka le. Xa ziqhinywe ngamasondo azo, oko kungathetha ukuthi ezi bhigi zingajikeleza umhlaba wonke izihlandlo ezingama-63!"

## 'ABAFAZI NABANTWANA KUQALA' Isikhumbuzo seminyaka eli-165 oko kwazika iBirkenhead

Inkonzo yesikhumbuzo ukukhumbula abo bathi basinda nabo bantu balahlekelwa bubomi babo kwintlekele yeBirkenhead ibanjwa minyaka le ngowama-25 nowama-26 kweyoMdumba kwiidolophu ezahlukeneyo kwiilabathi lonke.

EGansbaai, umsitho ontsuku-mbini oquka itheko lokubekwa kweembali eBirkenhead Rock, kulandele ithekwana lesikhumbuzo elwandle.

USekela-Sodolophu woMasipala waseOverstrand, uDudley Coetzee, inike intetho ephambili kwaye wabeka iimbali ekhumbula abo baphelela apho.

Kwintetho yakho uSekela-Sodolophu utha, "Ngalo mhlal, wama-26 kweyoMdumba 1852, kwiminyaka eli-165 edlulileyo nge-14h00, inqanawa yomkhosi iHMS Birkenhead yaqhekeka kumganyana ongapantsi kweekhilomitha ezi-5 ukusuka elunxwemeni nalapho yathi yabetheka elitye elalivele nje kancinane kumanzi olwandle. Nanjengoko inqanawa le yathi yasuka kwilitye elo sele inomngxunyakazi imkhulu kwelinye icala. Yathi yazala ngamanzi kwicandelo elingaphambili kwaye ngaphaya kwe-100 lamajoni lathi larhaxwa lilele kumagumbi okulala awo. "Malunga nemizuzu eli-10 emva koko, iBirkenhead yathi yabetheka elityeni kwakhona ityeli lesibini kwaye icandelo eliphantsi layo lathi lahlehuka lavulela. Kwakukho abantu amangama-643 ababekhwele enqanaweni kwaye malunga nama-450 abo alahlekelwa bubomi kwesi sihelegu ntlekele."

"Kodwa nelo lifu limnyama libenokukhanya okuthile kushiye uphawu olungaphelileyo kwingqiqo yentlalo yethu. iBirkenhead Drill yathi yavela. Le ntlekele yathi yakhulisa umthetho-siseko othi "Abafazi nabaNtwana kuQala".

"Namhlanje silapha ukuza kukhumbula uKhaptani Robert Slamond, uLefteni Kheneli Alexander Seton kunye namadoda aba nesibindi sokuma kwinqanawa wzikayo ngelixa abafazi nabantwana babenikwa ithuba lokwehla kuqala ngezo zikhophe zazimbalwa.

"Kwankqu namahashe omkhosi alithoba athi akhululwa ngethemba lokuba aya kudadela ngaselunxwemeni ngaphambi kokuba la madoda ashiye izikhundla zawo ukuzama ukuzisindisa. Ngokweline ingqina, phantse wonke umntu wayethule, akukho yayivala, phandle kokukhaba kwala mahashe kunye nemiyalelo kaSalmond noSeton, yonke ikhuthiswa nelizwi elicacileyo nelizinzileyo kungekho kungabaza. La majoni awazange atshukume, nangona inqanawa yathi yophuka, kwimizuzwana nje engama-20 emva kokuba ibetheke elityeni. Amanye amajoni athi akwazi ukudadela elunxwemeni, emana ukubambela kwizijungqe zenqanawa ukuzigcina bedada, kodwa uninzi athi arhaxwa okanye asweleleka emanzini.

"Namhlanje, ngenxa yemiphumelela yesi sehlo enza buhlungu iintliziyo, iBirkenhead Drill ithe yamisela kuthi umthetho-siseko wokuba abafazi nabantwana kuqala. "Kukho umgca kumbongo oyimbalasane kaRudyard Kipling othi, "Soldier an' Sailor Too", othi usicaphule kakuhle isibindi abanaso la madoda kwiBirkenhead xa ayejongene neemeko zokuphelelwa lithemba. Ubeke ngolu hlobo: "But to stand an' be still to the Birkenhead drill is a damn tough bullet to chew."

• I-Danger Point Lighthouse yakhiwa kwiminyaka engama-43 emva kwale ntlekele ngo-1895 khona kuze ilumkise inqanawa ngalo mnyonyo ubonungozi. Isikhumbuzo esisebenzayo kuloo maxhoba kunye nabasindayo kwintlekele yeBirkenhead.

## I-MOZART QUARTET



IOVERSTRAND ARTS/KUNSTE (efinyezwa njenge-OAK) iza kusindleka iMOZART QUARTET ENSEMBLE kwikonsathi yange-15:30 ngeCawa, wama-23 kuTshazimpuzi 2017 kwiOdithoriyamu yoLuntu eHermanus. Imilonji eyaziwayo yaseKapa uLiesl Stoltz (obethe ifleyiti), uFarida Bacharova (obetha ivayolini), uEmile de Roubaix (odlala ividyola) noKristian Chervet (odlala i-cello) baya kube bedlala imisebenzi kaMozart, uHofmeyr, uReger, uJacob noLobos. *Qhagamshelana noBELLINI kwezi nombolo 028 312 4988 khona ukuze ubhukishe isihlalo. Iindleko zamatikiti li-R130 kuze abafundi ibe ngama-R60. Qhagamshelana noRené du Plooy kwezi nombolo 082 940 4238 ukuba unemibuzo.*



I-Mozart quartet